

重修息縣志序

稽古封建列國各有史以紀其
事周官詒觀事有志詒地事有
圖而圖與志皆掌之太史漢班
固易司馬遷八書爲十志而江
淹以爲修史之難無知志鄭樵

亦云志者典章所係是志卽古
史之丕裔也息之有志其源不
可致前明天順間命儒臣編纂
方輿地志皆列圖經次分事類
曰一統志是爲郡邑志之綱領
以後郡邑無不有志息志殆昉

于此初修于嘉靖癸丑年萬曆
戊寅邑令王公用賓重修之萬
曆甲申邑令曹公舜弼又重修
之

國朝順治丁酉冬邑令邵公炎蔭
又重修之康熙癸酉夏蔣公彪

又重修之迄今屈指又近百季
其間沿革興廢不可無所訂正
生息繼起不可無所增入況仰
沐戎

朝

聖相承仁漸莪摩重熙累洽人才之

興風俗之美物產之盛駸駸乎
視昔有加而不旁搜博採巨細
不遺恐不足以彰

盛典宣治代而貽來茲也余于嘉
慶三年春承乏茲邑雖簿書鞅
掌多所未遑而念此民風土俗

正當留心攷核以謀治理又兼
邑人諧請云炎州總志及光山
固始等處志皆重修功竣惟息
志蠹版蠹蝕殆盡而藍本間有
存者亦復魯魚舛訛真正缺畧
則邑志中建置之沿革山川之

深峙民風之好尚制度之興廢
以及則壤有賦民數有登凡文
重忠孝之所表見者各得重加
纂修將舊事一新旣前有所考
新事俱補亦後有所承不同為
吏治之要務乎狀是有所述非

敢有所作。司馬氏之取資于
尚書戴禮左傳班氏之取資於
史記等類。質地既存。繪藻可施。
謹按舊志。芟蕪補缺。稍加修輯。
義例多仍其舊。雖不盡合編年
紀事之法。亦求得據事宜書之。

意蓋志以徵寔而傳信並非誇
多而鬪靡也爰是從其請偕都
人士共襄厥事而謀諸梓人亦
求知王曹邵蔣諸公之用必云
爾是爲序

嘉慶四年歲在己未春三月中

宋之吉

文林郎知息縣事
時豐劉炎輝

撰

舊序

鉛槧時曰放古編摩獨於循吏傳是重粵自叔敖氏公
孫子產而下未嘗不嘉賞焉及讀漢新息令賈公傳尤
極愛慕慨古今人不相值無由致身其側以相周旋也
旣傾是邑瞻謁祠下益動仰止之思暇復取息志閱之
又獲觀宋傅公堯俞明王公思學僉蒞茲土尤爲炳炳
自嘆不得生其時相與上下其議論猶幸治同其邑以
躋躋其後塵遂與博士龍陽曾君祁陽陳君議纂修蔓
者芟之缺者補之仍綴以近事自分孱劣不足當往哲
之萬一但求無愧此心之同無負此職之一而已固不
敢謂有裨於民可傳於後若其興革數事亦可自信其

於民少便也後之君子倘加體諒擇其善者因之固所
望於同志者歟萬歷戊寅知息縣事興邑王用賓序

舊序

興邑王公主息治渝年政旣成乃考邑事以志曰於推
艱哉吾欲觀風俗之淳漓齊民之好尙往治之得失經
畛流峙之險阻平易與井邑制度之興廢沿革壤產獻
彙之藏否生成以諏耆碩不無遺接以躡閭比不無遺
履吾取文獻足之則其接也自衆而履庶周乎古君子
忠人國舊政必以告我何以盡吾心哉政有時而或息
告有時而或窮書之冊而世守之其爲政也不亦遠乎
乃取息志命璽與僚友陳君及庠生知名者七八人輯
之璽曰此命也豈易當哉其事欲核其究欲深其採欲
博其論欲愜蓋古之遺直也茲命也豈易當哉乃咸集

公所籲虔秉公詳考精閱芟繁冗檢幽遺祗愆厥命以
求逃後世之譏若議云爾首地理次建置以雜述終焉
爲綱凡十爲目凡五十有四遐邇兼收巨細必舉於凡
公政之善亦皆恪錄罔敢乘之以私俾嗣公理者聞公
之風興起焉則息之民其永懷乎公行將登樞要資啟
沃矣志存而政存政存而告存視古忠以政告者其大
小遠近爲何如耶龍陽曾玉璽序

舊序

國有史郡有志紀實錄也夫詩藝文之末技耳而杜猶
得以史稱其所以取重於後者以稽實之中寓彰燁之
意也息之有志厥維舊矣其山川人物風俗政治備以
實載固以具觀省昭勸戒垂久遠也纂修於嘉靖癸丑
年嗣後凡宦茲土者有善政皆續而書之以實萬歷戊
寅西晉王侯以經學起賢科來理息治洞幽刷蠹懾究
懲奸踰年百廢俱興所省約在官者歲以千計在民間
則未可以數計也其所以認真奏績在指日間斯民之
懷德於侯雖久而益篤然衆懼善政之貽或移易於後
非所以垂惠息民也請載諸志以示將來俾繼後而治

息縣志卷之六
者取則焉其爲息民慮也大矣博士曾君玉璽陳君宗堯實共成其美余嘉二博善善之公與侯政務之美乃原設志者之意亦以實引其首云萬歷戊寅邑人黃家棟序

舊序

萬歷甲申余來尹息民風土俗未悉也取縣志閱之志凡十卷有綱有目前邑侯王公修之邑人僉憲黃公序之詳哉其言之矣顧事止於其修之歲至今又經年所且久之不無湮沒也余博訪耆碩所見聞者續錄之因僭一言弁諸首曰守令之係於國也重矣方今聖人在上四海昇平頃以久旱致勞祈禱召閣臣詢諸民瘼惓惓然以恤民敬天爲念申飭吏治嚴察計典大哉王言真臣子恪遵奉行之不暇矣余以末學幸叨民社之寄敢自外於聖人之明訓以甘負所學乎得是編讀之則見其文直其事核不虛美不隱惡彬彬乎質有其文吾